



Broj: T18 0 KT 0018457 25
Brčko, 11.04.2025. godine

Na osnovu člana 35. stav (2) tačka ž) i člana 226. stav (1) Zakona o krivičnom postupku Brčko distrikta BiH, podižem

OPTUŽNICU

Protiv:

Senada Kesić, zvani „Kesa“, rođen ...1980. godine, (...)

Što je:

1. Tokom noći 25.03.2025. godine oko 02,00 časova u Brčkom u ulici Tina Ujevića s ciljem pribavljanja protivpravne imovinske koristi, svjestan i u namjeri da oduzme tuđe stvari što je htio, došao do objekta firme d.o.o. „...“, vlasništvo Đ. T. u sklopu koje je motel, prodajni dio objekta i benzinska pumpa, te prišao sa zadnje strane objekta koji nije osvijetljen i koji je skriveniji u odnosu na prostor oko i u blizini pumpe, te podesnim alatom rasklimao i podvalio dio okvira vrata u blizini brave, čime je na taj način nasilno otvorio vrata, pa ušao u unutrašnjost navedenog objekta, kojeg od ranije, vezano za raspored u njegovoj unutrašnjosti prilično dobro poznajete, jer je kao gost u motelskim sobama tog objekta prema knjizi gostiju boravio u dane 09/10.03. i 13/14.03.2025. godine, pa kada je ušao u unutrašnjost objekta, iz registra kase za prodajnim pultom otuđio zatečeni novac, a iz manjeg sefa koji se ne zaključava, a koji se nalazi u prostoriji iza prodajnog pulta otuđio sav zatečen novac, pa na taj način ukupno pronašao i uzeo novca u iznosu od 6.210 KM, a sa prodajnih polica prisvojio više kutija cigara vrste Mallboro i Chestefield u vrijednosti od 1.114 KM, kao i više kutija cigara koje namjenski služe za pušenje preko nikotinske sprave „Ajkos“ u vrijednosti od 1.364,00 KM, a potom sa ključem kojeg je pronašao u registru kase, te otuđenim stvarima neometano se vratio kroz ista vrata sa zadnje strane objekta, te ista spolja zaključao, s obzirom da je brava još uvijek bila upotrebljiva u svom mehanizmu, pribavši time sebi protivpravnu imovinsku korist u ukupnoj vrijednosti od 8.688 KM, a za navedeni iznos oštetio navedenu firmu

dakle, obijanjem da dođe do stvari iz zatvorenih zgrada tuđu pokretninu oduzeo s drugome s ciljem da njenim prisvajanjem sebi pribavi protivpravnu imovinsku korist

2. Dana 20.01.2025. godine, oko 12,00 sati, u Brčkom, u ulici Tina Ujevića, ušao kao navodna mušterija u prodajni dio objekta na benzinskoj pumpi „...“ d.o.o. vlasništvo Đ. T., s ciljem pribavljanja protivpravne imovinske koristi, svjestan i u namjeri da oduzme tuđe stvari, što je i htio, iskoristio pogodnu okolnost da se uposlenica B.A. trenutno nalazila ispred ulaza i čistila parking, pa S. iz lako pristupačne fiskalne kase sa novcem, koja je smještena na samom ulaznom prodajnom pultu na brzinu a da E. to nije primjetila, ključem koji se nalazio u bravi otključao ladicu kase i iz nje oduzeo novca u iznosu od 475,00 KM, te ga sakrio u džep, kasu uredno zaključao, kako radnici po povratku ne bi bila uočljiva prethodna činjenica krađe, i velikom brzinom napustio navedeni objekat, čime je za sebe pribavio protivpravnu imovinsku korist u iznosu od 475,00 KM i za taj iznos oštetio vlasnika benzinske pumpe,

dakle, tuđu pokretninu oduzeo drugome s ciljem da njenim prisvajanjem pribavi sebi protivpravnu imovinsku korist,

3. Dana 18.01.2025. godine, oko 13,55 sati, u Brčkom, u ulici Bulevar mira, došao u objekat drogerije „DM“, pa s ciljem pribavljanja protivpravne imovinske koristi male vrijednosti, svjestan i u namjeri da oduzme tuđe stvari, što je i htio, krećući se između prodajnih polica, čiji raspored takav da često zaklanja kretanje mušterije od uposlenih radnika pa na taj način iskoristio nepažnju zaposlenika, te sa prodajnih polica oduzeo dva parfema, jedna marke „Diesel“ vrijednosti 93,95 KM, i drugi marke „Dolce & Gabbana“ vrijednosti 149,95 KM, te ih vješto ubacio kroz gornji dio unutrašnjosti jakne i napustio objekat, čime je za sebe pribavio protivpravnu imovinsku korist u ukupnom iznosu od 243,90 KM, dok je za navedeni iznos oštetio vlasnike preduzeća „DM“,

dakle, tuđu pokretninu male vrijednosti oduzeo drugome s ciljem da njenim prisvajanjem pribavi sebi protivpravnu imovinsku korist, a postupao je sa ciljem pribavljanja protivpravne imovinske koristi takve vrijednosti

čime je pod tačkama 1. 2 i 3 dispozitiva optužnice počinio produženo krivično djelo - Teška krađa - iz člana 281. stav 1. tačka 1. Krivičnog zakona Brčko distrikta BiH, a u vezi sa krivičnim djelom - Krađe - iz člana 280. stav 1. a sve u vezi sa članom 55. istog Zakona Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
